

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

ЗӨРЧЛИЙН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Зөрчлийн тухай хуулийн 11.7 дугаар зүйлийг дараахь агуулгаар өөрчлөн найруулсугай:

1/11.7 дугаар зүйл:

“11.7.Ашгийн төлөө бус хуулийн этгээдийн хууль зөрчих:

1.Хуульд зааснаас бусад тохиолдолд иргэдийн эвлэлдэн нэгдэх, ашгийн төлөө бус хуулийн этгээд байгуулах, гишүүнээр элсэх, гишүүнчлэлээс татгалзах эрхийг хязгаарласан бол учруулсан хохирол, нөхөн төлбөрийг гаргуулж, хүнийг тавин нэгжтэй тэнцэх хэмжээний төгрөгөөр, хуулийн этгээдийг таван зуун нэгжтэй тэнцэх хэмжээний төгрөгөөр торгоно.

2.Ашгийн төлөө бус хуулийн этгээд

2.1.орлогоос ногдол ашиг хуваарилсан;

2.2.улс төрийн нам, улс төрийн хөдөлгөөн болон Монгол Улсын Ерөнхийлөгчийн, Улсын Их Хурал, аймаг, нийслэл, сум, дүүргийн Иргэдийн Төлөөлөгчдийн хурлын сонгуульд нэр дэвшигчид хандив өгсөн;

2.3.орлогоо дүрэмдээ зааснаас өөр зорилгоор зарцуулсан бол учруулсан хохирол, нөхөн төлбөрийг гаргуулж, хүнийг нэг мянган нэгжтэй тэнцэх хэмжээний төгрөгөөр, хуулийн этгээдийг арван мянган нэгжтэй тэнцэх хэмжээний төгрөгөөр торгоно.

3.Ашгийн төлөө бус хуулийн этгээд үндсэн зорилгоо өөрчилж ашгийн төлөө үйл ажиллагаа явуулсан, эсхүл улс төрийн нам, улс төрийн намын байгууллага, улс төрийн хөдөлгөөнд нэгдсэн, улс төрийн үйл ажиллагаа явуулсан, эсхүл шашны байгууллагаас бусад ашгийн төлөө бус хуулийн этгээд нь шашин номлох, ухуулан дэлгэрүүлэх үйл ажиллагаа явуулсан, эсхүл хувийн сан нь олон нийтээс хөрөнгө төвлөрүүлэх үйл ажиллагаа явуулсан бол хууль бусаар олсон хөрөнгө, орлогыг хурааж, хүнийг гурван мянган нэгжтэй тэнцэх хэмжээний төгрөгөөр, хуулийн этгээдийг гучин мянган нэгжтэй тэнцэх хэмжээний төгрөгөөр торгоно.

4.Хуульд заасан хугацаанд санхүүгийн болон үйл ажиллагааныхаа тайланг холбогдох эрх бүхий байгууллагад гаргаж өгөөгүй бол учруулсан хохирол, нөхөн төлбөрийг гаргуулж хүнийг хорин нэгжтэй тэнцэх хэмжээний төгрөгөөр, хуулийн этгээдийг хоёр зуун нэгжтэй тэнцэх хэмжээний төгрөгөөр торгоно.

2 дугаар зүйл.Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

ИРГЭНИЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Иргэний хуулийн 35 дугаар зүйлд дараахь агуулга бүхий 35.3, 35.4 дэх хэсэг нэмсүгэй:

1/35 дугаар зүйлийн 35.3, 35.4 дэх хэсэг:

“35.3.Эдийн засгийн болон нийгэм, соёлын нийтлэг хэрэгцээгээ хангах зорилгоор хэд хэдэн этгээд сайн дураараа нэгдсэн, хамтын удирдлага, хяналт бүхий дундын эд хөрөнгө дээр үндэслэн үйл ажиллагаа явуулахаар байгуулсан хуулийн этгээдийг хоршоо гэнэ.

35.4.Хоршоог үүсгэн байгуулах, бүртгэх, хоршооны үйл ажиллагааг дуусгавар болгох, хоршооны гишүүнчлэл, хяналт болон хоршоотой холбоотой бусад харилцааг хуулиар зохицуулна.”

2 дугаар зүйл.Иргэний хуулийн 33 дугаар зүйлийн 33.1 дэх хэсгийн “хуулийн этгээдийг” гэсний дараа “хоршоо,” гэж, 35 дугаар зүйлийн гарчгийн “Нөхөрлөл” гэсний дараа “, хоршоо” гэж тус тус нэмсүгэй.

3 дугаар зүйл.Иргэний хуулийн 33 дугаар зүйлийн 33.2 дахь хэсгийн “сан, хоршооны” гэснийг “сангийн” гэж өөрчилсүгэй.

4 дүгээр зүйл.Иргэний хуулийн 36 дугаар зүйлийн гарчгийн “, хоршоо” гэснийг хассугай.

5 дугаар зүйл.Иргэний хуулийн 36 дугаар зүйлийн 36.4, 36.5, 36.6 дахь хэсгийг хүчингүй болсонд тус тус тооцсугай.

6 дугаар зүйл.Энэ хуулийг Ашгийн төлөө бус хуулийн этгээдийн тухай хууль хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

УЛС ТӨРИЙН НАМЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Улс төрийн намын тухай хуулийн 13 дугаар зүйлд дараахь агуулга бүхий 13.10 дахь хэсэн нэмсүгэй:

“13.10. Улс төрийн намын гишүүд дүрэм, мөрийн хөтөлбөрөө хэрэгжүүлэх зорилгоор нэгдэж улс төрийн намын дэргэдэх байгууллагыг байгуулж болно. Улс төрийн намын дэргэдэх байгууллага нь хуулийн этгээдийн эрхгүй байна.”

2 дугаар зүйл. Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

ГАДААДЫН ИРГЭНИЙ ЭРХ ЗҮЙН БАЙДЛЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Гадаадын иргэний эрх зүйн байдлын тухай хуулийн 15 дугаар зүйлийн 15.1.4 дэх заалт, 40 дүгээр зүйлийн 40.1.5 дахь заалтын “төрийн бус байгууллага” гэснийг “ашгийн төлөө бус хуулийн этгээд” гэж тус тус өөрчилсүгэй.

2 дугаар зүйл.Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

Төсөл

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

АУДИТЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Аудитын тухай хуулийн 10 дугаар зүйлийн 10.1.5 дахь заалтын “Иргэний хуулийн 36.2-т заасан” гэснийг “Ашгийн төлөө бус хуулийн этгээдийн тухай хуулийн 33.4-т заасан” гэж өөрчилсүгэй.

2 дугаар зүйл.Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

Төсөл

МОНГОЛ УЛСЫН ХУУЛЬ

2018 оны ... дүгээр
сарын ... -ны өдөр

Улаанбаатар
хот

СОНГУУЛИЙН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Сонгуулийн тухай хуулийн 52 дугаар зүйлийн 52.1.9 дэх заалтын “төрийн бус байгууллага” гэснийг “ашгийн төлөө бус хуулийн этгээд” гэж өөрчилсүгэй.

2 дугаар зүйл. Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

Төсөл

МОНГОЛ УЛСЫН ХУУЛЬ

2018 оны ... дугаар
сарын ... -ны өдөр

Улаанбаатар
хот

АЖ АХУЙН НЭГЖИЙН ОРЛОГЫН АЛБАН ТАТВАРЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Аж ахуйн нэгжийн орлогын албан татварын тухай хуульд доор дурдсан агуулга бүхий дараахь хэсэг, заалтыг нэмсүгэй:

1/12 дугаар зүйлийн 12.1.37 дахь заалт:

“12.1.37.Иргэний нийгмийг дэмжих санд болон нийтэд тустай үйл ажиллагааг дэмжих зорилгоор ашгийн төлөө бус хуулийн этгээдэд өгсөн хандив, хөрөнгө.”

2/18 дугаар зүйлийн 18.1.17 дахь хэсэг:

“18.1.17.нийтэд тустай үйл ажиллагааг хариу төлбөргүй, эсхүл тогтмол эрхэлдэг ашгийн төлөө бус хуулийн этгээдийн явуулсан аж ахуйн үйл ажиллагааны орлого.”

3/18 дугаар зүйлийн 5 дахь хэсэг:

“18.5.Ашгийн төлөө бус хуулийн этгээдийн тухай хуулийн 45.1-д заасан Иргэний нийгмийн хөгжлийг дэмжих зөвлөлийн дүгнэлтийг үндэслэн энэ хуулийн 18.1.17 - д заасны дагуу хуулийн этгээдийг албан татвараас чөлөөлнө.

4/19 дүгээр зүйлийн 18 дахь хэсэг:

“19.18.Иргэний нийгмийн хөгжлийг дэмжих зөвлөлийн дүгнэлтийг үндэслэн ашгийн төлөө бус хуулийн этгээдийн аж ахуйн үйл ажиллагаа эрхэлж олсон орлогод ногдох албан татварыг 70 хүртэл хувиар хөнгөлнө.

2 дугаар зүйл. Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

Төсөл

МОНГОЛ УЛСЫН ХУУЛЬ

2018 оны ... дугаар
сарын ... -ны өдөр

Улаанбаатар
хот

НИЙГМИЙН ДААТГАЛЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Нийгмийн даатгалын тухай хуулийн 4 дүгээр зүйлд доор дурдсан агуулга бүхий 4.8 дахь хэсэг нэмсүгэй:

1/4 дүгээр зүйлийн 4.8 дахь хэсэг:

“4.8. Нийтэд тустай үйл ажиллагаа эрхэлж байгаа ашгийн төлөө бус хуулийн этгээдийн үйл ажиллагаанд оролцож байгаа сайн дурын ажилтан нь энэ зүйлийн 2 дахь хэсэгт албан журмын даатгалд даатгуулах этгээдэд хамаарахгүй.”

2 дугаар зүйл. Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2018 оны ... дугаар
сарын ... -ны өдөр

Улаанбаатар
хот

ХУВЬ ХҮНИЙ ОРЛОГЫН АЛБАН ТАТВАРЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Хувь хүний орлогын албан татварын тухай хуулийн 16 дугаар зүйлд доор дурдсан агуулга бүхий 16.1.16 дахь заалт нэмсүгэй:

“16.1.16.Иргэний нийгмийг дэмжих санд болон нийтэд тустай үйл ажиллагааг дэмжих зорилгоор ашгийн төлөө бус хуулийн этгээдэд өгсөн хандив, хөрөнгө.”

2 дугаар зүйл. Энэ хуулийг Ашгийн төлөө бус хуулийн этгээдийн тухай хууль хүчин төгөлдөр болсон өдрөөс эхлэн дагаж мөрдөнө.

Гарын үсэг